

津在北四里梧津在南九里右三浦俱有斥候今廢堅造浦在東十里城南

川入海處

三陟為江陵之次北至江陵官一百三十一里東至海八里

三陟浦在東八里舊有蔽吾里浦在南六十二里

皆東海船泊處有斥候德山島在南二十三里交柯驛東

蔚珍為三陟之次北至三陟官一百五十三里東至海九里

蔚珍古縣浦在南十一里于山島鬱陵島在東

三百五十里帶一作嶺一作華一作羽一作武二島一即丁山有事實錄于左

島在蔚珍縣正東海中與日本之隱岐州相近

三峰岌業撐空南峰稍卑日清則峰頭樹木及

山根沙渚歷歷可見風便二日可到地方百里
產柴胡藁本石楠藤草諸香木蘆竹多合抱者
蘆實桃核大可為杯升山猫大如犬鼠大如猫
海中有大獸牛形赤眸無角羣卧海岸見人獨
行害之遇人多走入水名可之島本于山國新
羅取之後恐導倭為寇刷出居民空其地高麗
太祖庚寅土頭貢獻授使白吉爵以土頭為正
朝顯宗壬戌島民被女真寇掠逃來者多處之
禮州為編戶德宗壬申島王遣其子夫於仍多
耶來貢仁宗己未溟州道監倉使李陽實入島